



Puásuituálu já luánduiäláttásái ruttádem

Ruttádem puásui- tái luánduiäláttásái hárrjutteijeid aalgátmân já investistmáid sehe palgásij investistmáid

Puásui-iäláttás hárrjutteijeh já palgáseh pasteh uuccáđ investistem- já algátemtorjuid. Uuccám lii oovtmanoláš, mutâ ucâmušah váldojeh kiedâvušmân toorjâpoojijn.

Toorjâpajeh láá

- 16.1.–15.4.2023
- 16.4.–15.6.2023
- 16.6.–15.9.2023
- 16.9.2023–15.1.2024

Palgás aaidij oornigisttolámân kyeskee toorjâucâmušah kiedâvuššojeh ovdebist spiekástmáin toorjâuuccám nuuhâm maŋa 15.1.2024.

Toorjâ occoo [Hyrrä-ášástállâmpalvâlusâst](#). Sämikielâlijd ucâmušáid kalga toimáttid pááppáruccâmuššân Laapi IJP-kuávdázân. Visásmit, ete tuu ucâmuš ana sistees puoh tárbulijd lahtosijd.

Torjuu iávttoid láá puáttám motomeh nubástusah

Investistemtoorjâ iäláttás hárrjutteijeid

Puátteevuođást skappum uázžu tooháđ jieijâs riskáin toorjâucâmuš kyeđđim maŋa. Visásmit, ete tuu ucâmuš lii puáttám kiedâvuššâmvuálásâžžân Laapi IJP-kuávdázân.

IJP-kuávdáš avžut kuittâg tooháđ skappum eskân miedetteijee toorjâmiáradâs maŋa. Jis occée taha skappum ovdil miedetteijee toorjâmiáradâs jieijâs riskáin já finnee investistmân kieldee ruttádemmiáradâs, te sun ij paste finniđ innig torjuu tohhum investistmân. Skappum lii talle tohhum ovdil ucâmuš kyeđđim.

Huksiimân kyeskee torjuu puáhtá máksiđ enâmustáá vittâ uásist. Máksimnáál oosijn tuš majemuu uási stuárudâh heiviittáloo puátteevuođást. Majemuu máávusu stuárudâh lii 20 % torjuu meereest.

Algátemtoorjâ iäláttás nuorâ hárrjutteijeid

Algátemtorjuu finnejijee kalga puátteevuođást jieš uuccáđ máksim. Algátemtoorjâ máksoo kyehtin siämmáastuárusâš uáassin. Vuossámmuu uási puáhtá uuccáđ, ko toorjâmiáradâsâst mainâšum iávтуh láá olášum. Torjuu nube uási máksim iáhtun lii finnodâhtomâvuávám olášuttem. Algátemtoorjâ máksoo enâmustáá viidâ ive ääigi táálutoollâm aalgátmist. Vääldi kuittâg huámmášumán, ete vittâ ive pisovâšvuodâčuávvum álgá torjuu majemuu uási máksimist.

Algättemtorjui lohtâseijee paŋkkilooŋnân puáhtá puátteevuodâst miedettiđ staatâthádâs. Staatâthádâsân kalga adelid vvestitáhádâs, mii puáhtá leđe kiddodâh- tâi finnodâhkiddim. Loovná finnejeijest piârroo kerdimáksu, mii lii 0,75 prooseent táhádâs meereest, kuittâg enâmustáá 200 eurod. Toos lasseen táhádâsâst piârroo loovná finnejeijest peli-ihásávt máksu, mii lii 0,75 prooseent táhádâs kuás-uv orroo meereest. Táhádâsâst peerrâmnaál máávsuid kalga máksiđ kuohtii ivveest, cuáŋuimáánu já roovvâdmáánu majemuš peeivi.

Škovlimtilálâšvuotâ puásuituálu já luánduiäláttâsâi torjuin 14.4.2023

- [Oovdânpyehdimateriaal \(pdf\)](#)

Luvvá lase:

- [Lasetiäđuh já luámáttuvah \(ruokavirasto.fi\)](#)
- [Hyrrä-ášástállâmpalvâlus](#)

Puásuituálu elleekuáhtásâš toorjâ (puásuitoorjâ)

Puásuituáallei hártteijeid miedettuvvoo elleekuáhtásâš toorjâ. Torjuu finnim iáhtun lii, ete purrámušjuávkku oomâst ucemustáá 80 elettempocud.

Puásuituáluivveest 2022/2023 elleekuáhtásii torjuu puáhtá uuccâđ ääigist 15.8.–7.9.2023. Puásuitoorjâ máksu 35 eurod/elettempuásui.

Kiäs torjuu puáhtá miedettiđ?

Torjuu puáhtá miedettiđ luándulijđ ulmuid tâi tagarân luándulij ulmui hammim purrámušjuávkun, mii lii siämmáá tálutuálust ässee peerâolesvuotâ. Purrâmušjuávkun kiäččo meid jyevihánnáá ärbipeesi.

Puásuitoorjust ij lah alemus aheräaji.

Siämmáá purrámušjuávkun (peerâolesvuotân) kuleh ovdâmerkkân

- Siämmáá visteest pisovávt ässee ulmuuh
- Koskâpuddâsávt meddâl orroo ulmuuh

Koskâpuddâsâš meddâlroom suijân puáhtá leđe ovdâmerkkân uápui jotteem, pargokočom, eres tienâspargo, viärju- tâi siiviilpalvâlus, pyecceiviäsust tâi fangâlist orroom. Meddâlroom kiäččoo táválávt koskâpuddâsâžžân, jis tot pištá enâmustáá suulân ive.

- Purrâmušjuávkun kullee ulmuu eres päähist ässee pelikyeimi

Pelikyeimi kulá purrâmâšjuávkun, veikâ sun ličij meddâl maangâid iivijđ, jis pelikyeimih iä aasâ sierâ paahijj koskâvuodâ nuuhâm keežild. Ovdâmerkkân pelikyeimi, kote lii

nube päikkikoddeest pargo, uápui jotteem tâi viärrupalvâlus keežild, kulá siämmáa purrâmušjuávkun.

- Siämmáa visteest ässee aldahyelhih

Aldahyelhih láa näimi- já ávuskyeimih, vaanhimeh já párnááh, ááhuh já äijiheh sehe vyeliasiih uábih já viiljah.

- Nube päikkikoddeest oopâid jottee pelikyeimi tâi vaanhimis purrâmušjuávkun kullee vuálá 18-ihásâš pärni.

Ucâmušâst kalgeh leđe pelikyeimi já puohâi purrâmušjuávkun kullee olesahasij ulmui väldikirjeh, kiäi poccuin toorjâ occoo. Vældikirjeluámáttâh kávnoo purrâmušvirgádudv sijnđoin (liŋkkâ sijnđo loopâst).

Ärbipeesi kalga kyeđđiđ jieijâs ucâmuš. Tuáistáázân ärbipeesih kalgeh uuccâđ torjuu pááppârucâmuššâin. Ucâmušân kalga lahteđ ärbipeesi ärbikirje já väldikiirijid.

Torjuu finnim iävtuh

Torjuu finniimân purrâmušjuávkun kullee ulmuuh láa kolgâm omâstiđ puásuituáluive 2022/2023 nuvâdijn ucemustáa 80 elettempocud. Torjui vuoigâdvuođâ adelejje ellei omâstemvuoigâdvuođâ já meeri vuáđuduveh iänáâš puásuituáluivveest 2022/2023 rahtum virgálii puásuiluvâttâlmân. Puásuituáluive 2022/2023 ääigi tohum puásuikaavpijd puáhtá väldiđ huámmášumán torjuu miedeetdijn.

Torjuu finnejeijest váttoo muuštončäällim puásuituálu puáđuin já koloin. Muuštončäällimkenigâsvuođâ tiet toorjâucâmušân kalga lahteđ puásuituálu muuštončälimijn (Pomu) puáđusrekinistemsijđo, moin pasteh tuođâštiđ, ete occee lii toohâm muuštončälimijid, moh váttojuh torjuu finniimân. Muuštončäällimkenigâsvuođâ čuávuh elleekuáhtásii torjuu vakšum ohtâvuođâst. Uđđâ puásuitoorjâoccei uásild lahtosluámáttâh ij vattuu.

Toorjâ ij maksuu tain elettempocuin, moh maneh paijeel palgâsâid tâi toi uásáláid meridum stuárráamus suovvum elettempocui meeriđ. Jis paalgâs elettempocui meeri mana paijeel palgâsân meridum stuárráamus suovvum elettempocui mere, te purrâmušjuávhui toorjâtohálij elettempocui meeri kepiduvvoo paijeelmiärálii poccui uásild siämmáa koskâvuođâst ko purrâmušjuávhuh omâsteh elettempocuid palgâsist.

Jis elettempocui meeri páácá ucebin ko 80 elettempocud, te tot ij eesti torjuu miedettem purrâmušjuávkun pááccám elettempocui mere vuáđuld, jis purrâmušjuávhust láa ovdil kepidem lamaš elettempocuu ucemustáa 80.

Toorjâ ij maksuu tain elettempocuin, maid uásálâš ličij palgâs tuhhiitem ihásij njuovvâmvuávámij miel kolgâm njuovvâđ. Jis purrâmušjuávhui njuováhánnáa kyeđđim poccui meeri lii paijeel kulmâ prooseent elettempocui meereest, te toorjâ ij maksuu purrâmušjuávkun ollágin.

Torjuu uuccâm

Toorjâoccoo nettiášástállâmpalvâlus Vipust, moos puásuituálu hárjutteijeeh pyehtih čáládâttâđ nettipaŋkkitubdâlduvâiguin tâi moobiilvisásmitmijn. Laapi IJP-kuávdáš avžut ášástállâđ neetist, mast ášástállâm lii jotelub ko pááppárluámáttuvváin. Ucâmuš lahtoseh vuolgâttuvvojeh ášástállâmpalvâlus peht. Torjuu puáhtá kuittâg ain uuccâđ meid pááppárluámáttuvváin. Puásuiluvâttállâm tiäduh sirdojeh palgâsist njuolgist Laapi IJP-kuávdázân, mii kiedâvuš ucâmušâid.

Torjuu uuccâm nohá Vipu-palvâlusâst 7.9.2023 tme 23:59. Pááppárluámáttuvváin ucâdijn toorjâucâmuš kalga toimâttiđ Laapi IJP-kuávdázân majemustáá 7.9.2023. Maŋanum ucâmušah hilgojeh.

Pááppáruucâmušluámáttuvah toimáttuvvojeh poostâ peht čujottâsân Lapin ELY-keskus, kirjaamo, PL 8060, 96101 Rovaniemi tâi šleđgâpoostâ peht čujottâsân kirjaamo.lappi(at)ely-keskus.fi.

- [Uusâ torjuu Vipu-palvâlusâst \(vipu.ruokavirasto.fi\)](https://vipu.ruokavirasto.fi)
- [Raavâvideo: Näet haet porotukea Vipu-palvelussa \(youtube.com\)](https://www.youtube.com/watch?v=...)
- [Luámáttuvah \(ruokavirasto.fi\)](https://vipu.ruokavirasto.fi).